

## ՀԱՇՎԵՏՎՈՒԹՅՈՒՆ

Վրաստան (Թբիլիսի) գործուղման արդյունքների մասին

### 1. Անունը, ազգանունը.

Հրայր Հակոբյան.

Արուս Աթանեսյան.

Աննա Դավթյան.

### 2. Ջբաղեցրած պաշտոնը.

➤ ՀՀ աշխատանքի և սոցիալական հարցերի նախարարության միասնական սոցիալական ծառայության զբաղվածության ապահովման և աշխատանքային ներուժի զարգացման վարչության գործատուների հետ համագործակցության և աշխատանքային միգրացիայի բաժնի պետ.

➤ ՀՀ աշխատանքի և սոցիալական հարցերի նախարարության ժողովրդագրության և ընտանիքի սոցիալական երաշխիքների վարչության ինտեգրված սոցիալական ծառայությունների բաժնի փորձագետ.

➤ ՀՀ աշխատանքի և սոցիալական հարցերի նախարարության ժողովրդագրության և ընտանիքի սոցիալական երաշխիքների վարչության ընտանիքի սոցիալական գնահատման բաժնի փորձագետ.

### 3. Գործուղման վայրը և ժամկետները.

Վրաստան (Թբիլիսի), 2024 թվականի հուլիսի 10-ից 12-ը.

#### 4. Հրավիրող կողմը.

Միգրացիայի միջազգային կազմակերպություն.

#### 5. Գործուղման նպատակը.

Մասնակցություն «Միգրացիայի ներուժի խթանում սոցիալ-տնտեսական զարգացման համար Հայաստանում և Վրաստանում» ծրագրի շրջանակներում կազմակերպված փորձի փոխանակման աշխատաժողովին:

#### 6. Քննարկված թեմաները.

- Աշխատաժողովի առաջին օրը հանդիպում է տեղի ունեցել Վրաստանի օկուպացված տարածքներից բռնի տեղահանված անձանց, աշխատանքի, առողջապահության և սոցիալական պաշտպանության նախարարության ներկայացուցչի հետ, ում կողմից ներկայացվել են շուրջ երեք հարյուր հազար հարկադիր Վրաստան վերադարձած միգրանտների համար կառավարության կողմից իրականացված և ներկայում իրականացվող բնակարանային ապահովման ծրագրերը:
- Աշխատաժողովի երկրորդ օրը պատվիրակությունն այցելել է Կախեթիի տարածաշրջանում Թելավի և Ախմետա համայնքներ, հանդիպել Կախեթիի նահանգապետի հետ: Հանդիպման ընթացքում Հայաստանի պատվիրակությանն են ներկայացվել վերադարձող միգրանտների վերաինտեգրմանն ուղղված համայնքային աջակցման ծրագրերը, նահանգի, ազգային և տեղական մակարդակներում վերաինտեգրման ոլորտում իրականացվող քաղաքականությունը: Թելավիում հանդիպում է տեղի ունեցել նաև Վրաստան վերադարձած միգրանտ Մարինա Ալթունաշվիլիի հետ, ով Թելավիում երաժշտական թերապիայի կենտրոն է հիմնել հաշմանդամություն ունեցող երեխաների, ընտանեկան բռնության

զոհ դարձած կանանց և այլ խմբերի հետ աշխատելու նպատակով: Պատվիրակությունն այցելել է նաև համայնքային մեկ պատուհանի սկզբունքով գործող պասարկման կենտրոն, որը խորհրդատվություն է տրամադրում վերադարձած միգրանտներին և տեղացիներին:

- Աշխատաժողովի երրորդ օրը նվիրված է եղել Հայաստանի, Մոլդովայի և Վրաստանի միջև փորձի փոխանակմանը

## **7. Հանդիպումները, ելույթները, բարձրացված կամ քննարկված հարցերը.**

ԱԱՀՆ աշխատակիցների կոմից ներկայացվել է (Աննա Դավթյան, Արուս Աթանեսյան և ՄՍԾ աշխատակից Հրայր Հակոբյան) Հայաստանի Հանրապետության կառավարության կառուցվածքային փոփոխությունների արդյունքում վերադարձի և վերաինտեգրման լիազորությունների փոխանցման, վերաինտեգրման ոլորտում Հայաստանի Հանրապետության լավագույն փորձի և մարտահրավերների, զբաղվածության ծրագրերի վերաբերյալ տեղեկատվություն: Ներկայացվել են նաև դեռևս մշակման փուլում գտնվող ինտեգրման և վերաինտեգրման խնդիրների կարգավորմանն ուղղված ռազմավարության և քաղաքականության վերաբերյալ որոշ մանրամասներ: ԱԱՀՆ և ՄՍԾ ներկայացուցիչները ակտիվ մասնակցություն են ցուցաբերել նաև ընթացող քննարկումներին:

## **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպումների ընթացքում ֆորմալ որոշումներ չեն կայացվել, կողմերը փոխանակվել են կոնտակտային տվյալներով՝ հետագայում, ըստ անհրաժեշտության, կապ հաստատելու նպատակով:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկվել է շարունակել մասնագիտական համագործակցությունը՝ վերադարձի և վերահիմնադրման, ինչպես նաև ինտեգրման ոլորտներում՝ ըստ անհրաժեշտության:

10. Ստորագրությունը, ամսաթիվը:

Հրայր Հակոբյան

18/07/2024

Արուս Աթանեսյան

Աննա Դավթյան

